



Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazard, Cornelius

Antverpiæ, 1688

Discvrsvs IV. Nascitur Moyses, & exponitur in fiscella juxta fluvium Nilum.

[urn:nbn:de:hbz:466:1-52700](#)

putant interpres, ad quatuor annos quibus Rex ille novus postea vixit, quo mortuo, qui illi successit, revocatum est, & ita mansit revocatum quamdiu Israelite fuerunt in Egypto, cum enim inde exirent, inventa fuere multa millia puerorum, & juvenum.

DISCURSUS IV.

Nascitur Moyses, & exponitur in fiscella juxta fluvium Nilum.

Inter hasce crudelitates nascitur Moyses, & singulari providentia Dei, servatur à morte. Pater ejus erat de stirpe Levi nomine Amram, Mater vero vocabatur Iacobeda, quæ cum Moysen peperisset, vidissetque puerum esse admodum elegantem, abscondit tribus mensibus, sed cum ultra, inquit Scriptura, celare non posset, sumpit fiscellam scirpeam, & linivit eam bitumine ac pice, posuitque intus infantulum, & exposuit illum in carecta ripa fluminis, stante procul sorore ejus, & considerante eventum rei.

Erat hæc fiscella quasi arcula parva, ut habet textus *Hebraicus*, contexta ex juncis, sive viminibus, & ne aqua posset intrare, obliterata bitumine ac pice, posuerintque illam cum puerō in ripa fluminis inter arundines, ita ut ab impetu fluminis abripi non posset. Deinde submissa fuit à Matre soror *Moysis, Maria*, decem aut duodecim annorum puella quæ curam illius haberet, & observaret de longe rei eventum. Hanc mater instruxerat quid agere deberet aut dicere, nimirum si quem *Egyptium* transiuntem videret qui pueri misericordia moveretur, & cjuſ servandi modum quæreret, illi propriam matrem nutricem offerret.

Contigit ergo, inquit Scriptura, ut descenderet filia Pharaonis, ut lavaretur in flumine, & puella ejus gradiebantur per crepidinem alvei. Inter vagandum & deambulandum offendunt istam fiscellam, & nuntiant Reginae suæ. Hæc fiscellam conspicata, uni ex pedisfus mandavit ut eam afferret ad se. Cum vero ea aperta in ea invenerit infantem pulcherrimum, *Hebreum* esse cognovit, propter Regis edictum projectum in flumen, misericordiaque permota, statuit illi vitam donare: Ubi hoc audiit soror *Moysis Maria*, quæ non procul inde stabat, statim accurrit, rogavitque num vellet vocari *Hebraam* mulierem, cui traderetur puer nutrientis: Annuit filia

filia Pharaonis, & statim Maria cucurrit ad Matrem suam, illamque adduxit: Atque ita Matri suæ nutriendus traditur Moyses iussu filiae Regis. Mulier, inquit Scriptura, suscepit & nutritivit puerum, adulumque tradidit filia Pharaonis, quem illa adoptavit in locum filii, vocavitque nomen ejus Moysen, quod Hebraicè significat extractum ex aquis, educavitque illum in aula.

Non existimo aliquem esse, qui hæc legens vel audiens, præ stupore non exclamat cum Davide: Quam mirabilia sunt opera tua Domine! omnia in Sapientia fecisti.

1. Res Israëlitice in tali statu jam erant ut prorsus desperatae vi- derentur, & nullus esset qui illis subveniret: Opprimebant illos Egyptii durissima servitute, & labore intolerabili, & nullus erat qui illos sublevaret: Occidebantur illorum infantes cum summo dolore ac ejulatu parentum, præsertim Matrum, quæ inter summos cruciatus partus, videbant ante oculos suos innocentes interfici, & nullus erat qui illas consolaretur; & ecce inter hæc nascitur Moyses, & inter alios pueros servatur à morte, quando Deus apparuit in somnis Amramo Patri Moysis, & teste Iosepho lib. 2. Antiq. cap. 5. dixit ad eum: Scito mihi cordi esse publicam vestram incolumentem: Puer enim iste suo tempore Hebreos ex Egyptiaca servitute liberabit, memoriamque sempiternam hoc præclaro facinore consequetur non tantum apud suos, sed etiam apud exterros.

Dei auxilium ubi nulla spes supereft. Mirare hic, inquit Philo Iudeus lib. Biblic. antiqu. summam Dei eti- ga suos misericordiam & clementiam, quoniam eo tempore vi- dex & assertor nascitur, quo vix aliqua spes libertatis supererat. Ita solet Deus præter spem omnem suis adesse, ut cum desperata sunt omnia, videant homines auxilium sibi datum à nullo alio posse procedere, quam à solo Deo: Ubi enim cessat auxilium hu- manum, ibi incipit divinum. Idem contigit in Christi Nativitate, cum enim mundus esset in pessimo statu, nec essent amplius visio- nes, nec Prophetiae, tunc natus est Christus ut mundum salvaret.

Hoc est quod David ait Psal. 9: Deus adjutor est in opportunitatibus in tribulatione. Innumera sunt in Scriptura hujus rei exempla. Conjectus erat Daniel in locum Leonum. Deus illum inde eripuit sal- vum & incolumen: Numquid hoc statim fecit? Non: Reliquit illum ibi ut quidam existimant, ad septem dies. Quare hoc? num- quid poterat hoc citius facere? quis dubitat? quare ergo tamdiu expectavit? ut Leones tanto magis famerent, omnesque vide-

rent non superesse hominem qui *Danielem* posset juvare. Ergo, inquit *Chrysostomus* Hom. 6. ad *Popul.* hoc erat tempus divini auxilii, cum nulla humanarum rerum jam spes esset reliqua. Tunc suum ostendit auxilium.

Conjecti erant tres pueri *Babyloniae* in fornacem ardente. *Nabuchodonosor*, inquit *Chrysostomus*, voluit illos comprehendere, & Deus permisit, voluit ligare, & Deus non impedivit, voluit in fornacem conicere, & Deus non restitit, voluit flammatum ultra modum succendere, & hoc permisit. Quando jam nihil reliquum supererat, sed omnem vim suam tyrannus exhauserat, tunc apparuit in medio flammæ Angelus Domini, & Deus suam demonstravit virtutem; quando omnia humana deerant, tunc Deus succurrerit.

Conjectus erat in carcerem *D. Petrus* Apostolus, omnes de vita ejus desperabant, quia jam lata erat sententia ut produceretur in theatrum capite pectus, tunc misit Deus Angelum qui illum eduxit à carcere, & liberavit à morte. Hoc erat, inquit idem *Chrysostomus*, tempus divini auxilii, tunc enim Deus maximè suam ostendit potentiam, non à primordio, sed quando res fuerint plane desperatae ab hominibus.

Denique hoc centies ostendit in bellis quæ externi Principes gerebant contra *Iudeos*: Nulla prorsus ultra spes erat pro *Ierosolyma* quando obsidebatur à Rege *Sennacherib*, jam venerat ad summam extremitatem, quando Deus misit Angelum suum, qui una nocte in caltris *Sennacherib* occidit centum octoginta quinque millia, & *Ierosolymam* liberavit. Quis hominum tale quid expectasset?

Quid spei humanae poterat superesse urbi *Samariae* obsecræ quando tanta famæ jam invaluerat ut caput asini venderetur octoginta argenteis & Matres devorarent proprios filios? tunc erat tempus divini auxilii. & tunc venit Deus, immisit ingentem terrorem de nocte in castra hostium, fecit audiri sonitum curruum, & equorum, & exercitus relinquentis omnia impedimenta sua, fugerunt in tenebris, & postero die tanta victus abundantia in urbem invaserat ut omnia vilissimo pretio venderentur.

Plane desperatum erat de urbe *Bethulia* quam obsidebat *Holofernes*, jam poene conclusum erat de urbe reddenda. Sed tunc adiuit Deus, excitavit animum *Judith* quæ amputato *Holofernis* capite, urbem liberavit. Hoc ergo est quod ait *David*: *Deus adjutor in opportunitatibus*: Ipse solus novit tempora apta, nos in illa re

G g

plane

234
planè cæci sumus, nec enim aliud optamus, nec querimus, nec petimus, quam ut statim & quam primum liberemur, quasi vero Deus non melius sciat quid debeat facere quam nos. Nos justum nostram cætitatem procedimus, & putamus nobis futurum bonum quod Deus videt futurum malum. Si semper statim adeset, vix ullus potentem illius manum agnoscet, & homines privarentur tot meritis quæ colligere possunt inter afflictiones.

Itaque, inquit Chrysostomus Hom. 62 in Genes. In afflictionibus numquam desponeamus animum, sed magis patientia clari, spe bona foveamur scientes quod Dominus sciens nos experiri aspergat non relinquit, sed vult ut certantes clariori corona cingamur. Quod ergo diutius expectat ut veniat dum in aliqua afflictione sumus tanto magis cedit in bonum nostrum, & ipsius: Nostrum, quod diuturnitas afflictionum est majoris sanctitatis origo, & augmentum virtutum. Ipsius, quia tunc omnes homines hoc videntes, per noscent ipsius manum, dabunt gloriam Deo, & dicent: Dominus est qui hoc fecit. Sicut etiam numquam magis se effundit amor in amicos vel liberos, quam cum diu illos expectavimus redentes ex regione longinqua, & diu anhelavimus ad ipsorum adventum (ipsa enim desideria quo magis multiplicantur, eo magis amorem accendunt) sic amoris nostri erga Deum fomentum dilatio auxillii in tribulatione, ubi autem advenerit, tanto magis sese amor noster effundet, quanto longior dilatio fuerit.

Hoc ergo primum mirabile providentiae divinae. Dum omnes in Egypto desperata erant cum Israëlis, nascitur Moyses qui illos erit liberatus.

Alterum mirabile est in filia Pharaonis quæ inventum Moysen in fiscella, voluit educari. Valde probabile est quod filia edictum patris sui de occidendo masculis Hebreorum, quamvis crudele, placet, quia Patris erat, adeoque magis sollicita fuerit de illis interficiendis quam servandis in vita, ne Patris voluntati contravenirent. 2. minus videtur debuisse fuisse sollicita de Moysi servando, quem videbat esse puerum Hebraum, quando Sacerdos quidam Aegyptius ut supra narravimus, prædixerat Pharaoni, illo ipso tempore nasciturum masculum ex Hebreis, qui & Iudeorum liberator, & Pharaonis Regni destructor futurus esset.

Et ecce, egreditur, inquit Scriptura, filia ista Pharaonis, & videtur puerum in fiscella jacentem, miserta est ejus: Mirabilis mutatio prius

prius approbarat crudele editum Patris, & jam subito vertitur illa crudelitas in pietatem, & pueros quos prius volebat occidi, jam vult servari in vita. *A Domino factum est istud, & est mirabile in oculis nostris*, ut inquit Propheta, cor enim Regis, inquit *Salomon Prov. cap. 21*, seu reginæ in manu Dei est, & quocumque voluerit, vertet illud.

2. Hac Reginæ dixit ad Mariam sororem Moysis, ut iret ad vocandum aliquam mulierem *Hebraam* quæ puerum nutriret sibi: Quare sibi? quia volebat illum adoptare in filium: Non erat ergo ei satis ut puerum servaret nisi etiam adoptaret in filium. Non potest hæc tanta mutatio aliud esse quam *dexteræ excelsi*: Mirabilia opera Dei!

Sed quare potius mittit advocationem mulierem *Hebraam*, quam *Egyptiam*? quia timebat puero ne interficeretur à Patre suo. poterat enim merito timere fore ut *Egyptia* mulier promulgaret se in manibus habere aliquem puerum *Hebraum*, quam suspicionem habere non poterat de muliere *Hebreæ*. Ecce quam prudens sollicitudo!

3. Volebat puerum non tantum nutriti, sed etiam quam optimæ. Melius autem quis nutritur quando majori cum amore hoc sit, & sciebat mulierem *Hebraam*, quia puer *Hebreus* erat, hoc majori cum affectu facturam, quam *Egyptiam*, ideo *Hebraam* jussit vocati, non *Egyptiam*.

4. Huius tanto affectui hujus Reginæ succurrerit Deus, efficit enim ut illic adeset soror *Moysis*, illa mittitur ad aliquam vocandam, & vocat, adducitque ad Reginam Matrem pueri quæ illum educaret. Mirabilis Dei Providentia! omnia prius minabantur mortem, nunc vero ab ipsam filia Regis tyranni tanto affectu ac sollicitudine peraguntur ut puer non tantum vivat, sed extra omne periculum vivat.

5. Adhuc amplius dicit Scriptura, nempe quod hæc filia Regis dixerit Matri *Moysis* sibi incognitæ: Nutri mihi puerum istum, & ego dabo tibi mercedem tuam. Debebat potius dicere juxta Patris sui editum, occide illum, & dabo tibi mercedem. Sed Deus suā providentiā omnia in contrarium vertit. Ideo mirabilia opera Dei; quis hæc audiens providentiæ divinæ diffidat? Hic enim clare videmus Deum suis providere ea via quam nulla sapientia humana potest attingere.